



Storia dla Grupa de Bal Populer Sëlva - S. Cristina

Dan 20 ani ova bera Bruno Riffeser dla Vila deberieda cun la Lia per Cultura y Usanzes de Sëlva tëut la scumenciadiva de mëter su na grupa de bal. Cun chësta uloven ti dé na puscibltà y na motivazion ai jëuni de balé nosc bai da zacan.

Ai 29 de utober 1983 ie pona 29 jëuni y jëunes ruvei adum tla blòta pitla sala nueva dla cësa di cungresc de Sëlva per tenì si prima prova de bal. N à fat unì adalerch doi maestri: Peter Windegger dla grupa de Neugries y Roland Seppi. Ai 29 de mei 1984 fovela pona tan inant che la grupa de bal à mustrà a n majer publich si bai. Do n ann de ativitâ dla lia àn metù su n cunsëi cun 1 presidënt Bruno Riffeser che à menà inant la grupa per bën 10 ani. Di 1995 ie bera Bruno Riffeser zapà ora y si ncëria ova ntlëuta tëut su Peter Lardschneider dl Tina, che ie mo al didancuei cumëmber dla lia, maester nuef fova Helmuth Malfertheiner.

Tl prim mez ann 2002, canche n valgun cumëmbri se ova maridà y d'autri ie jic a sté oradeca, à la Grupa de Bal Populer de Sëlva dat su si ativitâ. Ai balarins Barbara, Michela, Rita, Helga y Peter, che fova bele n-pez pra la grupa, ti savòvel da stramp da muië a dé su chësta grupa y perchël se ài dat scialdi da fé a cherdé adum jëuni y jëunes che ëssa nteres a fé pea pra chësta grupa. L ti à drët butà y i jëuni à mustrà gran nteres per l bal populer.

Ai prims de dezember 2002 àn metù su 1 statut nuef, se destacan dala Lia Guanc dala Gherdëina, y n ti à dat ufizielmënter 1 inuem "Grupa de Bal Populer de Sëlva y S. Cristina", ajache la grupa à balarins sibe de Sëlva che de S. Cristina. Ai 10 de jené 2003, n ucajion dla senteda generela, iel unì lità 1 cunsëi nuef cun a cë 1 presidënt Andreas Delago, cassie-



Dovia da man ciacia: Romina Rabanser, Melanie Mussner, Anna Demez, Andreas Comploj, Stefanie Runggaldier, 1 presidënt Andreas Delago, Nancy Kasslatter, Martin Zingerle; A mez: Peter Lardschneider, Alexia Demez, Thomas Runggaldier, Martina Senoner, David Senoner, Michela Delago, Danca: Helga Sinn Lardschneider, Rita Delago, Monica Pescosta, Barbara Senoner,
Sun la foto mancia: Julika Frena, Maria Delago, Laura Cuccarollo.

ra Barbara Senoner, i scrivans Nancy Kasslatter y David Senoner, Andreas Comploy, Helga Lardschneider y 1 responsabl dl bal Peter Lardschneider.

N chëla sëira ons nce pudù saludé 1 ambolt de S. Cristina Bruno Senoner, 1 assessëur ala cultura de Sëlva David Lardschneider y 1 fundadëur y presidënt da dant Bruno Riffeser.

Chëst ann ti va la grupa ancontra a n gran sforz finanziel, ajache 1 ie debujën de cumpré guanc, cëntes, ciauzei y dut chël che toca leprò. La finaliteies dla grupa ie de mantènì la tradizion y cultura de Gherdëina, balé y ti dé na sburdla positiva al bal populer.

La grupa se purverà inant a abelì la festes de nosc raion y spera inant cun 1 sustëni da pert dla populazion.

*Martina Senoner
Cumëmbra dla Grupa de Bal Sëlva y S. Cristina*